

आकाशवाणी

खबरां -----

1. केन्द्री गृह सचिव गोविंद मोहन होरें जम्मू-कश्मीर केन्द्र शासित प्रदेश दी सुरक्षा स्थिति दा जायजा लैने लेई अज्ज जम्मू च इक उच्चि सतह दी बैठक दी अध्यक्षता कीती।
2. केन्द्री सेहत ते परिवार कल्याण मंत्री जगत प्रकाश नड्डा होरें आखेआ ऐ जे सरकार मुल्लवै दे हर इक नागरिक गी म्यारी सेहत सुविधा उपलब्ध कराने लेई अनथक हीले करै करदी ऐ।
3. संसद च बजट इजलास दा दुआ गेड़ संगारें शुरू होआ'रदा ऐ जिस दौरान कई महत्वपूर्ण बिल सदन च रक्खे जाने दी मेदा।
4. प्रधानमंत्री नरेंद्र मोदी होरें अज्ज नमीं दिल्ली दे एम्स अस्पताल जाइयै उपराश्ट्रपति जगदीप धनखड़ हंदी डौल पुच्छी।
5. ते आई.सी.सी चैंपियन्स ट्राफी दा फाइनल मकाबला भारत ते न्यूजीलैंड बश्कार दुबई च जारी ऐ। न्यूजीलैंड नै भारत दे सामने जित्त लेई 250 रन्ज दा लक्ष्य रक्खेआ ऐ।

<><><><><><>

Security Meeting

केन्द्री गृह सचिव गोविंद मोहन होर जम्मू-कश्मीर केन्द्र शासित प्रदेश च बने दे सुरक्षा हालात दा जायजा लैने लेई अज्ज जम्मू च उच्चि-सतह दी जायजा बैठक दी प्रधानता करै करदे ना। द'ऊं सत्रें च लोआई जा करदी इस बैठका च पुलस ते सुरक्षा बलें सने नीम फौजी बलें ते खूफिया एजेंसिएं दे आला अधिकारी बी हिस्सा लैऽ करदे ना। केन्द्री गृह सचिव दा औहद्धा सांभने परैन्त गोविंद मोहन हुंदे

आसेआ जम्मू खित्ते दा पैह्ला सुरक्षा जायजा होग। एह्दे शा पैहले हालात दा जायजा लैने लेई ओहू कश्मीर बी गेदे हे। अज्ज लोआई जा करदी बैठक कोला पैहले बीएसएफ दे डरैक्टर जनरल दलजीत सिंह चौधरी कल जम्मू पुज्जे ते मगरा उ'नें पुंछ जिले च कब्ज़ा रेखा दा दौरा लाया। इस दरान उ'नेंगी बीएसएफ दे सीनियर अधिकारिएं बल दिएं कार्रवाईएं मतल्लक तैयारिएं बारै जानकारी दिती।

<><><><><><>

PM-WCD

प्रधानमंत्री नरेंद्र मोदी होरें महिलाएं गी सशक्त बनाने च आर्टिफिशल इंटेलीजेंस दी भूमिका पर महिला ते बाल विकास राज्यमंत्री सावित्री ठाकुर हुंदे आसेआ लिखे दा इक लेख सांझा कीता। सोशल मीडिया पर इक पोस्ट च प्रधानमंत्री होरें आखेआ जे आर्टिफिशल इंटेलीजेंस महिलाएं लेई लाहकारी होने दे कन्नोकन्नी उन्दे लेई नमें मौके पैदा करने च बी मदाद दिंदा ऐ। तोआई, सावित्री ठाकुर होरें आखेआ जे प्रधानमंत्री नरेंद्र मोदी होर भारत गी 2047 तगर इक विकसित राष्ट्र बनाने दी दिशा च कम्म करा'रदे न जेदे च महिलाएं दी बरोबर हिस्सेदारी दी मती जरूरत ऐ। उनें आखेआ जे ए.आई ना शडा महिलाएं लेई नमें मौके पैदा करी सकदा ऐ, सगुआं उनेंगी समाज च निर्णायक भूमिका नभाने च बी सक्षम बनाई सकदा ऐ।

<><><><><><>

Gujrat-Amit Shah

केंद्री गृह मंत्री अमित शाह होरें अज्ज अहमदाबाद च सस्तु साहित्य मुदुणाल्य ट्रस्ट आसेआ नमे सिरेआ छापी गेदिएं 24 कताबें दा विमोचन कीता। इस मौके अपने संबोधनै च अमित शाह होरें नामवर विद्वानें जियां गोवर्धन राम त्रिपाठी, हेमचंद्राचार्य, नर्मद, नरसिंह मैहता ते झावेर चंद मेधानी हुंदी मती सिफ्त कीती जिनें गुजराती भाषा गी समृद्ध ते लोकप्रिय बनाने च बडा योगदान दिता ऐ। उनें कताबां पढने गी बढावा देने दे गुजरात सरकार दे जत्तें दी बी सराहना कीती। एह्दे शा पैहले गृह मंत्री

होरें जैनाचार्य श्रीमद बुद्धिसागर सुरिश वारजी महाराज हुंदी जयंती दे मौके पर इक यादगारी सिक्का बी जारी कीता ते मगरा संज्ञा लै एडीसी बैंक दे 100 बरे पूरे होने पर आयोजित इक कार्यक्रम च बी शिकरत कीती। अमित शाह होरें गुजरात बार काउंसल आसेआ नमें वकीलें दे शपथ ग्रैहण दे सिलसिले च लोआए दे इक कार्यक्रम च बी हिस्सा लैता।

<><><><><><>

Health-Minister

सेहत ते परिवार कल्याण मंत्री जगत प्रकाश नड्डा होरें सब्भनें लेई नरोई सेहत यकीनी बनाने दी सरकार दी बचनबद्धता गी फही पक्का कीता ऐ। अज्ज नमीं दिल्ली च राष्ट्रीय सेहत ते परिवार कल्याण संस्थान दे 48में सलाना समारोह गी वर्चुअल ढंगे नै संबोधित करदे होई उनें आखेआ जे एहू संस्थान देसै च सार्वजनिक सेहत खेत्तर दे पेशेवरें लेई सिखलाई, अनुसंधान ते छमता समर्पण सरबंधी गतिविधिएं दे आयोजन दे सब्भनें शा अगगे ऐ। उनें गलाया जे सरकार हर आम आदमी गी सखल्लें ते वाजब खर्चे पर सब्बै जरूरी सेहत सेवां सुविधा उपलब्ध कराना यकीनी बनाने लेई लोडचदे सब्बै जत्त करै करदी ऐ ते भारत च सार्वजनिक सेहत दे इक नमे जुग दी शुरूआत होई चुकी दी ऐ। इस मौके पर मजूद सेहत राज्यमंत्री अनुप्रिया पटेल होरें आखेआ जे पिछले 10एं बरें च मुल्बै अंदर मेडिकल कालजें दी गिनतरी च 101 प्रतिशत दा बाद्दा होआ ऐ। उनें आखेआ कि 2014 च एहू गिनतरी शङ्गी 380 ही जेडी एल्लै बधियै 787 तगर पुज्जी गेदी ऐ। अनुप्रिया पटेल होरें दस्सेआ जे मुल्बै च एम्स दी गिनतरी बी इस असें च 6 कोला बधियै 22 होई गेदी ऐ।

<><><><><><>

Syria-Violence

सीरिया च, देश दे सुरक्षाबलें ते साबका राष्ट्रपति बशर-अल-असद हुंदे समर्थकें बश्कार द'ऊं दिनें तगर चली दिएं झड़प्फें च मरने आहलें दी गिनतरी इक ज्हार थमां मती होई गई ऐ। जंदे वीरवारें लताकिया प्रांत च शुरू होई दिआं झड़प्फां च हून भूमध्यसागर दे कंठे तोहडी फैली गेइयां ना। ब्रिटेन

Srilanka-Temple

श्रीलंका दे अविसवेल्ला च अज्ज आस्था ते समुदाय दे जीवंत उत्सव च शिरडरी साई बाबा मंदर दा उद्घाटन कीता गेआ। इस कार्यक्रमै च बड़ी बद्द गिनतरी च श्रद्धालु मजूद हे। एहू समारोह शिरडी साई ग्लोबल फाउंडेशन दे संस्थापक अध्यक्ष सी.बी सत्पथी ते श्रीलंका च भारत दे उच्चायुक्त संतोष झा हुंदी मौजूदगी च लग्गा। एहू मंदर आस्था ते एकता दा प्रतीक ऐ ते शिरडी दे साई बाबा हुंदिणं सिक्खयाणं दी स्थाई विरासत गितै श्रद्धांजलि सरूप ऐ। इस मौके भजन-कीर्तन, ज्ञान-प्रवचन, सांझे लंगर जिंदे च लोकें मते जोश ते श्रद्धाभाव कन्नै हिस्सा लैता।

<><><><><><>

World Para-Athletic

नमीं दिल्ली दे जवाहर लाल नेहरू स्टेडियम च अतरूं मंगलवारें शुरू होने आहले विश्व पैरा एथलेटिक्स ग्रैंड प्री. 2025 च भारत दी तरफा 145 खडारी मदान च उतरंगन। एहू आयोजन 13 मार्च तोड़ी चलोग जेदे च 19 मुलखें थमां आए दे 105 खडारी हिस्सा लैडन। साउदी अरब, जर्मनी, कजाकिस्तान, उजबेकिस्तान, फिलीपीन्स, जपान, आस्ट्रेलिया, ब्राजील, नेपाल, भूटान ते श्रीलंका समेत केई अंतरराष्ट्रीय टीमां पैहले गै नमी दिल्ली पुज्जी गेदियां न ते भ्यास करन शुरू करी दित्ते दा ऐं 3 दिनें दे इस आयोजन च 90 कोला मतियां प्रतियोगितां होडन जिंदे च दुनिया भरै दे अब्बल दर्जे दे पैरा एथलीट शिरकत करंगन।

<><><><><><>

Winter Games

खेलो इंडिया विंटर गेम्स 2025 दे दुए चरण दी शुरूआत अज्ज गुलमर्ग च होई गई ऐ। अज्ज पैहले ध्याडे Alpine Skiing, Nordic Skiing, Ski Mountaneering ते Snow Boarding स्यालू खेड्डें च प्रतियोगिता करोआइयां जा'रदियां न। एहू खेड्डां इस म्हीने दी 12 तरीक तगर जारी रौहडन। इनें

खेड्डें दा पैहला चरण लेह च जनवरी म्हीने खेड्डेआ गोआ हा। उआं इनें खेड्डें दा औपचारिक उद्घाटनी समारोह अज्ज संज्ञा होग जेदे च कई लाइट शो, मशाल शो ते होरनी गतिविधियें दा सरिस्ता कीता जाग। इनें खेड्डें च 800 एथलीट हिस्सा लै करदे ना। उपराज्यपाल मनोज सिन्हा उद्घाटनी समारोह च शिरकत करडन।

<><><><><><>

Tigers reserve

केंद्रीय पर्यावरण, जंगलात ते जलवायु परिवर्तन मंत्री भूपेन्द्र यादव होरें मध्य प्रदेश दे माधव राष्ट्री उद्यान गी देशै दा 58मां बाघ अभयारण्य बनाए जाने दी घोषणा कीती ऐ। इक सोशल मीडिया पोस्ट च श्री यादव होरें आखेआ जे एहू ओकडे जंगलात अधिकारिणं दे लगातार जतनें दा सबूत ऐ जेहडे वन्य जीवन संरक्षण लेई निस्वार्थ भावना कन्नै कम्म करै करदे ना। श्री भूपेन्द्र यादव हुंदी पोस्ट पर प्रतिक्रिया जाह्न करदे होई प्रधानमंत्री नरेन्द्र मोदी होरें आखेआ जे भारत वन्य-जीव विविधता ते वन्य जीवन गी महत्व देने दी संस्कृति आह्ला देश ऐ। सोशल मीडिया दी इक पोस्ट च श्री मोदी होरें आखेआ जे सरकार वन्य जीवें दी सुरक्षा ते पृथ्वी पर पर्यावरण संरक्षण च म्हेशां सब्भनें शा अगो रौह्ग।

<><><><><><>

Cricket

आईसीसी चैंपियंस ट्राफी क्रिकेट टूर्नामेंट दे फाइनल च अज्ज दुबई च भारत दा मुकाबला न्यूजीलैंड कन्नै होआ करदा ऐ जेदे च न्यूजीलैंड नै जित्त लेई भारत दे सामने 252 रन्ज दा लक्ष्य रक्खेआ ऐ। न्यूजीलैंड नै टॉस जित्तियै पैहले बल्लेबाजी दा फैसला लैता ते तय 50एं ओवरें च 7 विकटें दे नुक्सान उप्पर 251 द्रौडा बनाइयां। न्यूजीलैंड दी तरफा डेरेल मिचेल नै सब्भनें शा मते 63 रन्ज बनाए जदके भारत दी तरफा वरूण चक्रवर्ती ते कुलदीप यादव नै 2-2 विकटां लैतियां। भारत गी हून जित्त लेई तय 50एं ओवरें च 252 द्रौडां बनानियां होडन। मैच इस्सलै जारी ऐ ते हुनै कोला किश चिर पैहले

भारत नै 12.4 ओवरें च 0 विकट दे नुकसान पर 75 रन्ज बनाई लैते दे हे ते उसी जित्त लेई 176 रन्ज दी लोड़ ऐ।

<><><><><><>

Search-Operation

पुंछ जिले दे जरांवाली सैक्टर हेठ औने आहले छम्बरेर इलाके च थेआरबंद लोकें दी संदिग्ध नक्लोहरकत दा पता लग्गने परैन्त सुरक्षाबलें आसेआ अज्ज इलाके च बड्डे पैमाने उप्पर तपाशी अभियान चलाया गेआ। पुलसा दे वरिष्ठ अधिकारिएं दससेआ जे खित्ते च सुरक्षा बवस्था निग्गर करने लेई बादू बलें गी तैनात करी दित्ता गेआ ऐ। पुलस सूत्तरें इब्बी दस्सेआ ऐ जे पुलसा दे वरिष्ठ अधिकारी मौके पर मजूद न ते ओहू लगातार इस तपाशी अभियान दी निगरानी करै करदे ना।

<><><><><><>

Kathua Mission Civilians

कठुआ जिले दे कल्हार इलाके थमां त्रै दिन पैहले इक ब्याह आहले समरोह दरान लापता होए दे इक नाबालिग ते ओहदे द'ऊं रिश्तेदारें दे शव बरामद करी लैते गे ना। स्हाड़े संवाददाता दी रिपोर्ट मूजब, पुलस अधिकारिएं दस्सेआ ऐ जे जे जम्मू-कश्मीर पुलस ते फौज आसेआ सांझे तौर उप्पर चलाए गेदे तलाशी अभियान दरान ड्रोन दी मदाद कन्नै मल्हार इलाके दे इशु नाले च इ'नें त्रौनें दे शवें दा पता लाया गेआ। केन्द्री मंत्री डाक्टर जीतेन्द्र सिंह, जेह्ड़े उधमपुर संसदीय हलके दी नुमादंगी बी करदे न, होरें आखेआ ऐ जे इ'नें सब्भनें दी मौत, बड़ी चैंता आहली गल्ल ऐ। सोशल मीडिया पर कीती गेदी इक पोस्ट च डाक्टर सिंह होरें आखेआ ऐ जे ई'आं बज्जोंदा ऐ जे इस शांतिपूर्ण इलाके दे म्हौल गी बिगड़ाने दी साजिश दे तैह्त एहू हत्तेआं कीतीआं गेइयां ना। तोआई उपमुख्यमंत्री सुरिंदर चौधरी होरें बी इस

घटना दी सख्त निंदेआ कीती ऐ। कांग्रेस पार्टी नै खित्ते च सुरक्षा दी भावना ब्हाल करने ते लोकें दे डर गी दूर करने लेई इस मामले दी उच्च-स्तरी जांच करोआने दी मंग कीती ऐ।

<><><><><><>

Martyrs' Familier Felicitated

शहीद कैप्टन तुषार महाजन मेमोरियल ट्रस्ट आसेआ अज्ज शेरे कश्मीर पुलस अकैडमी आडिटोरियम उधमपुर च अज्ज शहीद पुलस अफसरें दे परोआर दे सदस्यें गी सम्मानित कीता गोआ। इस कार्यक्रम दा आयोजन, शौर्य चक्र कन्नै सम्मानित कैप्टन तुषार महाजन हुंदे 9में शहीदी ध्याड़े पर कीता गोआ। कैप्टन तुषार महाजन होरें बरे 2016 च दक्खनी कश्मीर दे पाम्पोर सैक्टर च आतंकवादिएं दा मुकाबला करदे होई देसै लेई सर्वोच्च बलिदान दित्ता हा। अज्ज लोआए गेदे कार्यक्रम च शेरे कश्मीर पुलस अकैडमी उधमपुर दे डरैक्टर गरीब दास, उधमपुर-रियासी रेंज दे डीआईजी रईस मोहम्मद भट्ट ते उधमपुर दे एसएसपी अमोद अशोक नागपुरे हुंदे सने खरी मती गिनतरी च पुलसा दे अधिकारिएं, मन्ने-परमन्ने दे शैहदारें ते विद्यार्थिं बी हिस्सा लैता।

<><><><><><>

NDRF

राश्ट्री आपदा प्रतिक्रिया बल-एनडीआरएफ नै पुंछ जिले दे कलाई इलाके च जंदी 25 फरवरी गी होए दे मंदे भागें आहले हादसे दे बाद थमां लापता होए दे द'ऊं जनें दा पता लाने लेई अपनिं टीमें गी पुंछ च तैनात कीता ऐ। एनडीआरएफ दी 13 बटालियन दे डिप्टी कमांडेंट उत्तम सिंह हुं'दी अगुवाई च हून इस अभियान च होर तेजी आहन्नी गई ऐ। इक गड्डी दे हादसे दा शिकार होई जाने दे बाद थमां गै द'ऊं जनें लापता होई गे हे ते तमाम कोशशें दे बाद बी उं'दे बारै कोई सुराग हत्थ नेई लगा। लोडचदे

उपकरणें ते म्हारथ कन्नै लैस एनडीआरएफ दी टीम आसेआ कलाई आहले दुमर्ग इलाके च बडे
बवस्थित ढंग्गैने तलाश कीती जा करदी ऐ तांजे लापता होए दे लोके दा पता लाया जाई सकै।

<><><><><><>